

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Сен бе едің?

ЖАРИЯЛАНДЫ  
22.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/129527/>

## СЕН БЕ ЕДІҢ?

Көтерілмей жүргенде еңсем менің,  
Армандадым, біреуді көрсем дедім.  
Біреу маған алыстан қолын созған,  
Қолын созған қамқоршым, сол сен бе едің?  
Танысып та, ашынып сезімдерім,  
Ұзақ таңға ұйықтамай, көз ілмедім.  
Сонда мені біреу кеп әлдилеген,  
Әлдилеген сәбиін өзің бе едің?!

Сері күннен жалығып, кері күннен,  
Жалғызсырап кей-кейде жерідім мен.  
Біреу сонда жанымнан шықпайтұғын,  
Жаны бірге менімен серігім бе ең?!

Қысылтаяң сәттерде саған келдім,  
Жасырмай-ақ халімді жаман дедім.  
Мұңым менен сырыма ортақ болған  
Адам ба едің!

Аяулы панам менің  
Сен менің көтерілген еңсем бе едің?  
Армандадым, өзіңді керсем дедім.  
Бақыт іздеп жүр едім, сол сен бе едің?!

Арманым жоқ, алдыңда өлсем сенің.  
Мұқағали Мақатаев

**ҚМ АА** Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.